

大事

記

附通釋
解題

四



大事

記

附通釋
解題

四

呂祖謙
撰

中華書局

大事記卷十

漢孝文皇帝元年冬十月庚戌。徙立故琅邪王澤爲燕王。史記本紀。

辛亥。皇帝卽阼。謁高廟。史記本紀。

尊代太后曰皇太后。王子。遣太后弟車騎將軍薄昭奉迎于代。以史記本紀修。

增丞相陳平。太尉周勃。朱虛侯章等封邑。以史記、漢書本紀修。

十一月。徙右丞相陳平爲左丞相。太尉勃爲右丞相。大將軍灌嬰爲太尉。以通鑑修。

呂氏所奪齊楚地。皆歸之。漢書本紀。

十二月。除收帑諸相坐律令。史記本紀。

春正月。有司請蚤建太子。詔曰。其安之。有司三請。乃立長子啓爲太子。賜天下民當爲父後者爵一級。史記

本紀。

三月。立太子母竇氏爲皇后。賜天下鰥寡孤獨窮困高年孤兒布帛米肉。以史記本紀修。

選皇后兄弟師傅賓客。以通鑑修。

楚元王交薨。太子辟非先卒。立次子宗。正上邳侯郢客爲楚王。以本紀列傳修。

夏四月齊楚地震二十九山同日崩大水潰出本紀

六月令郡國無來獻本紀

令民賦四十丁男三十而一事以賈捐之傳修

脩代來功封衛將軍宋昌爲壯武侯以本紀修

從高帝入漢中者列侯益封二千石以上賜食邑以本紀修

秋八月辛未右丞相勃免左丞相平專爲丞相通鑑

遣陸賈諭南越趙佗謝罪去帝號以史記列傳修

齊哀王襄薨立太子則爲王以本紀世家修

以賈誼爲太中大夫以百官表列傳修

漢孝文皇帝二年冬十月丞相曲逆獻侯陳平薨通鑑綱目

詔列侯各之國以本紀修

十一月乙亥周勃復爲丞相通鑑

癸卯晦日有食之詔求言舉賢良方正罷衛將軍軍省太僕馬以本紀修

潁陰侯騎賈山上書言事以列傳修

春正月丁亥。親耕籍田。以本紀修。

三月。立趙幽王少子辟疆爲河間王。朱虛侯章爲城陽王。東牟侯興居爲濟北王。皇子武爲代王。參爲太

原王。揖爲梁王。以本紀修。

以太中大夫石奮代張相如爲太子太傅。以荀氏漢書修。

三月。除誹謗妖言律。以本紀、史記大事記修。

八月。陳武破濟北軍。虜其王興居。興居自殺。以史記、漢書本紀修。

以太中大夫賈誼爲長沙王太傅。以列傳修。

漢孝文皇帝四年冬十二月乙巳。穎陰懿侯灌嬰薨。以年表通鑑修。

春正月甲午。以御史大夫北平侯張蒼爲丞相。以史記、漢書年表修。

召河東守季布至邸。罷歸郡。以列傳、荀氏漢紀修。

以安邱侯張敖爲將軍。擊匈奴出代。以史記年表修。

匈奴單于冒頓請和親。許之。以列傳修。

夏五月。復諸劉有屬籍家無所與。賜諸侯王子邑各二千戶。本紀。

六月。雨雪。荀氏漢紀。

秋七月。絳侯周勃下廷尉。赦復爵邑。以列傳修。

作顯成廟。本紀。

漢孝文皇帝五年春二月。地震。本紀。

夏四月。更造四銖錢。除盜鑄錢令。使民得自鑄。通鑑。

楚夷王郢客薨。立太子戊爲楚王。以年表修。

漢孝文皇帝六年冬十月。桃李華。本紀。

十一月。淮南王長謀反。廢遷蜀。嚴道至雍死。以本紀修。

帝幸上林。中郎將袁盎卻慎夫人坐。以列傳修。

遣中大夫意使匈奴。頃之。冒頓死。子稽粥立。號老上單于。復以宗室女爲公主。妻單于。以列傳修。

漢孝文皇帝七年冬十月。令諸侯王子列侯母妻。及吏二千石。無得擅徵捕。以本紀修。

夏四月。赦天下。本紀。

初置南陵。史記大事記。

六月癸酉。未央宮東闕罌罌災。本紀。

召長沙王太傅賈誼入見。遷爲梁王太傅。以列傳修。

漢孝文皇帝八年。梁王太傅賈誼陳政事。以列傳、荀氏漢紀修。

夏。封故淮南王長子四人爲列侯。以史記列傳、漢書本紀修。

有長星出於東方。本紀。

漢孝文皇帝九年春。大旱。

溫室鑪自鳴。史記大事記。

漢孝文皇帝十年冬。帝幸甘泉。以本紀修。

將軍薄昭有罪。自殺。通鑑綱目。

帝幸上林。拜虎圈齋。夫爲上林令。謁者僕射張釋之諫。乃止。以荀氏漢紀、史記列傳修。

諸侯王皆來朝。以史記大事記修。

遣太常掌故鼂錯往濟南伏生所。受尙書。以本傳、儒林傳修。

漢孝文皇帝十一年冬十一月。帝幸代。春正月。帝至自代。以本紀修。

夏六月。梁懷王揖薨。無子。國除。荀氏漢紀。

徙淮陽王武爲梁王。北界泰山。西至高陽。四十餘縣。又徙城陽王喜爲淮南王。以賈誼傳修。

博士鼂錯論太子未知術數。拜爲太子家令。以列傳修。

匈奴寇狄道。從鼂錯議募民徙塞下。以通鑑修。

漢孝文皇帝十二年冬十二月。河決東郡酸棗。潰金隄。興卒塞之。以史記大事記河渠書修。

春正月。賜諸侯王女邑各二千戶。以本紀修。

二月。出惠帝後宮美人。令得嫁。以本紀修。

三月。除關無用傳。以本紀修。

鼂錯請募民入粟於邊。拜爵免罪。從之。以通鑑修。

賜農民今年租稅之半。以本紀修。

遣謁者勞賜三老。孝者。弟者。力田。廉吏。以戶口。縣率置三老。孝悌。力田。常員。以本紀修。

吳國有馬生角。以荀氏漢紀修。

追謚故淮南王長爲厲王。以列傳修。

甲戌。漢孝文皇帝十三年春二月。詔具親耕桑禮儀。以本紀修。

夏。除祕祝。以本紀修。

五月。除肉刑。以本紀修。

盜殺御史大夫馮敬。以賈誼傳修。

故梁王太傅賈誼卒。以本傳年表修。

六月除田租稅。本傳。

除戍卒令。以史記大事記修。

漢孝文皇帝十四年冬，匈奴老上單于稽粥十四萬騎攻朝那，塞蕭關，殺北地都尉孫卬，遂至彭陽，候騎至雍甘泉，以周舍爲衛將軍，張武爲車騎將軍，將軍千乘，騎十萬，屯長安旁以備。長安以昌侯盧卿、寧侯魏邀隆、盧侯周竈皆爲將軍，屯上郡北地隴西，張相如爲大將軍，董赤、樂布爲將軍，大發車騎以擊匈奴。匈奴遁走出塞。以本紀列傳修。

以中郎署長馮唐爲車騎都尉，赦囚徒魏尚，復以爲雲中守。以史記列傳、荀氏漢紀通鑑修。

春三月，增諸祀壇，珪幣。以本紀修。

河間文王辟疆薨，立太子福爲河間王。以通鑑、漢書年表修。

漢孝文皇帝十五年春，黃龍見成紀。以本紀修。

以公孫臣爲博士，議改正朔服色。以史記本紀、封禪書修。

夏四月，帝幸雍，始郊見五帝。本紀。

九月，詔諸侯王公卿郡守，舉賢良能直言極諫者，上親策之。本紀。

齊文王則河間哀王福皆薨無子國除通鑑

新垣平以望氣見本紀

漢孝文皇帝十六年作渭陽五帝廟夏四月帝郊見五帝於渭陽以新垣平爲上大夫命博士諸生刺六

經作王制以封禪書郊祀志注修

復以長門道北立五帝壇以郊祀志修

徙淮南王喜復爲城陽王通鑑

丙寅分齊爲六國立悼惠王子揚虛侯將閭爲齊王安都侯志爲濟北王武成侯賢爲菑川王白石侯雄

渠爲膠東王平昌侯卬爲膠西王勃侯辟光爲濟南王又分淮南爲三國立厲王子阜陵侯安爲淮南王

安陽侯勃爲衡山王陽周侯賜爲廬江王以通鑑、稽古錄修

秋九月得玉杯新垣平言候日再中詔更以明年爲元年作汾陰廟以郊祀志修

漢孝文皇帝後元年冬十月新垣平詐覺謀反夷三族本紀

春三月孝惠皇后張氏薨於北宮以本紀及注修

詔議民食以本紀修

漢孝文皇帝後二年夏帝幸雍棧陽宮以本紀修

六月代孝王參薨立太子登爲代王。以本紀列傳修。

復與匈奴和親。通鑑綱目。

八月戊辰丞相張蒼免庚午以御史大夫關內侯申屠嘉爲丞相封故安侯。以本紀年表、列傳修。

星隕梁野。以荀氏漢紀修。

漢孝文皇帝後三年春二月帝幸代。以本紀修。

匈奴老上單于稽粥死子軍臣立爲單于。以通鑑、史記列傳注修。

秋大雨四十五日。以荀氏漢紀修。

以中郎將張釋之爲廷尉。以年表列傳修。

漢孝文皇帝後四年夏四月丙寅晦日有食之。本紀。

五月赦天下免官奴婢爲庶人。本紀。

帝幸雍。以本紀修。

漢孝文皇帝後五年春正月帝幸隴西。以本紀修。

三月帝幸雍。以本紀修。

六月齊有狗生角。以荀氏漢紀修。

秋七月。帝幸代。以本紀修。

漢孝文皇帝後六年冬。匈奴絕和親。大入上郡。雲中以中大夫令免故楚相蘇意郎中令張武爲將軍。屯飛狐句注北地。又以河內守周亞夫。宗正劉禮。祝茲侯徐厲爲將軍。屯細柳。霸上。棘門。數月。匈奴亦罷。以史

紀、漢書本紀、列傳修。

削趙王遂河間郡。膠西王卬六縣。以史記吳王傳修。

大事記卷十一

漢孝景皇帝二年冬十二月有星孛于西南。本紀。

令天下男子二十始傅。本紀。

春三月甲寅立皇子德爲河間王。闕爲臨江王。餘爲淮陽王。非爲汝南王。彭祖爲廣川王。發爲長沙王。

通鑑。

夏四月壬午太皇太后薄氏崩。通鑑。

六月丞相故安節侯申徒嘉薨。以年表修。

封故丞相蕭何孫係爲武陵侯。以漢書、史記本紀修。

秋與匈奴和親。本紀。

八月丁未以御史大夫開封侯陶青爲丞相。丁巳以內史鼂錯爲御史大夫。通鑑。

彗星出東北。史記本紀。

雨雹於衡山。以史記本紀修。

熒惑逆行守北辰。月出北辰間。歲星逆行天庭中。以史記本紀修。

漢孝景皇帝三年冬十月，梁王武來朝，詹事竇嬰以病免。太后除嬰門籍。以通鑑、史記列傳修。

楚王戊來朝，削其東海郡。以史記列傳修。

春正月，長星出西方。以史記本紀修。

削吳王豫章、會稽郡。以史記列傳修。

吳王濞、楚王戊、趙王遂、膠西王卬、濟南王辟光、菑川王賢、膠東王雄渠反。南連越，北連匈奴。吳、楚圍梁。膠西、濟南、菑川、膠東圍齊。帝以中尉周亞夫爲太尉，將三十六將軍擊吳、楚。故詹事竇嬰爲大將軍屯滎陽。曲周侯酈寄擊趙，將軍轅布救齊，赦天下，斬御史大夫鼂錯，以謝七國。周亞夫壁昌邑，南以梁委吳，而絕其糧道。二月，吳、楚食盡引去。亞夫追擊大破之。楚王戊自殺。壬午晦，日有食之。三月，東越斬吳王濞於丹徒。轅布敗，諸侯兵解。齊圍，齊王將閔自殺。膠西王卬、濟南王辟光、菑川王賢、膠東王雄渠皆伏誅。立齊太子壽爲齊王。夏六月乙亥，徙淮陽王餘爲魯王，汝南王非爲江都王，立子端爲膠西王，勝爲中山王。宗正禮爲楚王。秋九月，酈寄、轅布滅趙。趙王遂自殺。以史記本紀、列傳、通鑑、稽古錄、通鑑綱目修。

賜民爵一級。本紀。

漢孝景皇帝四年春，復置諸關傳出入。本紀。

夏四月乙巳，立子榮爲皇太子，徹爲膠東王。以本紀修。

六月。赦天下。賜民爵一級。本紀。

徙汝南王非爲江都王。以年表修。

賜梁王武、汝南王非、天子旌旗。以世家修。

秋七月。臨江哀王闕薨。無後。國除。以本紀年表修。

後九月。更以弋陽爲陽陵。史記本紀。

徙衡山王勃爲濟北王。盧江王賜爲衡山王。以年表通鑑修。

漢孝景皇帝五年冬十月戊戌晦。日有食之。以本紀修。

春正月。作陽陵邑。募民徙居之。通鑑綱目。

夏五月丁卯。封長公主子蟪爲隆慮侯。史記本紀。

遣公主嫁匈奴單于。本紀。

徙廣川王彭祖爲趙王。通鑑。

漢孝景皇帝六年冬十二月。雷霖雨。本紀。

秋九月。皇后薄氏廢。本紀。

後九月。伐馳道樹。填蘭池。史記本紀。

漢孝景皇帝七年冬十月。梁王武來朝。以列傳修。

十一月乙丑。廢皇太子榮爲臨江王。以史記本紀年表修。

中尉衛綰免。以濟南太守郅都代之。以列傳年表修。

庚寅晦。日有食之。通鑑。

二月。丞相陶青免。乙巳。太尉條侯周亞夫爲丞相。罷太尉官。以史記本紀通鑑修。

夏四月乙巳。立膠東王太后王氏爲皇后。丁巳。立膠東王徹爲皇太子。以史記本紀修。

以故中尉衛綰爲太子太傅。以列傳修。

漢孝景皇帝中元年夏四月。赦天下。賜民爵一級。本紀。

封故御史大夫周苛孫平爲繩侯。故御史大夫周昌子左車爲安陽侯。以史記本紀修。

衡山地震。原都雨雹。大者尺八寸。以史記本紀通鑑修。

漢孝景皇帝中二年春二月。定諸侯薨葬立嗣之制。以漢書本紀修。

匈奴入燕。本紀。

三月。臨江王榮下中尉府自殺。國除。以史記本紀年表修。

夏四月。有星孛於西北。本紀。

乙巳立子越爲廣川王。寄爲膠東王。以年表本紀修。

秋七月更郡守爲太守。郡尉爲都尉。本紀。

秋九月甲戌晦。日有食之。通鑑。

梁王武使人刺殺故楚相袁盎。詣闕謝罪。通鑑綱目。

甲午。漢孝景皇帝中三年冬十一月。罷諸侯御史大夫官。本紀。

十二月。匈奴王徐盧等七人降。皆封爲列侯。以史記年表世家本紀修。

春三月丁巳。封子乘爲清河王。以史記年表本紀修。

夏四月旱。禁酤酒。以荀氏漢紀漢書本紀修。

秋九月。蝗有星孛于西北。戊戌晦。日有食之。丞相周亞夫免。以御史大夫桃侯劉舍爲丞相。以漢紀百官表修。

漢孝景皇帝中四年春三月。作德陽宮。以本紀修。

夏大蝗。以史記本紀修。

秋赦徒作陽陵者。史記本紀。

漢孝景皇帝中五年冬十月戊午。日有食之。以本紀修。

春三月丁巳。立子彊爲常山王。以年表本紀修。